



Комсомолю Вайгяль

Сембе масторонь пролетариятче, пуромода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1—80.

ПИТНЕЦ 5 тр.



ЛИСЕНДИ КОВТИ 12-ксть.

ОТЛИЧНАЙСТА ТОНАФНЕЗЬ ВАСЬФТСАСЬК ВСЕСОЮЗНОЙ ОЛИМПИАДАТЬ

Идень творествань Всесоюзной олимпиадаты оргкомитетонц васенце заседанияц решенияц коряс 1940 кизонь август ковста Москву ошса кармай йотафневомо идень творествань Всесоюзной олимпиада.

Тя олимпиадаты эса сталинский эпохань счастливый итне—юнай музыкантне, художникне, актерне, певецне, литераторне, гимнастне няфтсазъ великий Сталинти, родинати, партияти и правительствати кодама способностяса и талантса обладают социализмань странань итне.

Тяка жа пингста родинаньконь столицасонза панчевихть юнай техникань и детский изобразительнай искусствань кафта як интереснай Всесоюзной выставкат.

Всесоюзной олимпиадаты анокламаса и сонъ йотафтомасонза Ленинско-Сталинский комсомолсь и учительствась должетт примсеме самой активной участия, пачфтемс Положенвять эрь пунктонц школьникть сознанияс, штоба тьянь вельде мобилизовандамс сембе ученикне сядя товодловь плодотворнай успехненди тонафнемаса и дисциплинировать кеподемаса.

Штоба цебарьста анокламс олимпиадаты, комсомолти эряви тьяни киге ушедомс организационнай вопросень разрешандам, кочкамс идень творествань смотратненъ и республиканский олимпиадаты эзда разнообразнай жанра мархта инъ цебарь участникненъ, аф нолдамок репертуарти аф эрявикс, вредность и пошлость. Тя тевса должетт максомс оцю лезкс партийнай, комсомольский и профсоюзной организациятне марса писательхненъ, музыкантхненъ, режиссерхненъ, артистхненъ, художникхненъ и ученайхненъ мархта.

Идень творествань Всесоюзной олимпиадаты анокламаса йотни ся пингста, мзярда школатненъ эса аделакшневи тонафнема кизось, а тьянь инкса эрь школьникти илядыкс пингть эряви использовандамс сяди, штоба успешнайста аделамс тонафнема кизотъ, сатомс сянъ, штоба эрь ученикс идень творествань Всесоюзной олимпиадаты саль цебарь и отличнай отметка мархта.

Олимпиадаты васьфтсазъ анокта

Ковылкинский средний школань самодеятельность кизода-кизос, шйда-шис сядя касы и кемоксни.

Народнай инструментонь оркестрсь упорнай и настойчивай работать вельде районнай и республиканский идень художественнай олимпиадатненъ эса эрь кизоня иля оркестрхненди няфни обрзецт.

Тяни, штоба анокта васьфтемс идень творествань Всесоюзной олимпиадаты, оркестрсь эрь неделяти тиенди колма занятия, коса тонафнихть од морхт. Оркестрть репертуарса сембоц лувондови 100 лама мор. В. Челматкин.

СССР-нь Верховнай Советъ I-це созывонь Котоце Сессияц

СОЮЗОНЬ СОВЕТСА

Шовдава, апрель 3-це шистонза, мольсть 1940 кизонди СССР-ть Государственной Бюджетонц колга докладть коряс прениятне.

Председательствующайсь—Союзонь Советъ Председателец Андреев депутатсь макссь вал Гречуха депутатти. Советский Союзть хозяйственной и культурнай строителстванц успехонза, корхтай Гречуха ялгась,—мушендыхть яркай отражения Украинский ССР-ть расцветсонза. Бюджетть коряс огромный ассигнованияц предусмотреннайхть Украинский ССР-нь западной областяса культурань и хозяйствась касоманцты. Аньцек 1939 кизонь октябрь-декабрь кофненъ пингста ня областтненъ эса созданай ниле сядошка Украинский од школа и 7 Украинский высшай учебнай заведений. Советский властть кота ковоцзон пингста тьяса здравоохранениянь областяса тиф сядя лама сянъ коряс, мзяра тись тя территорияса польский властсь 20 кизонь пингста.

Лихачев депутатть выступления меле Государственной Бюджетть колга докладть коряс прениятне аделавсть.

Заключительнай вал мархта выступил СССР-нь Финансонь Народнай Комиссарсь Зверев ялгась и содокладчиксь Союзонь Советъ Бюджетнай Комиссиянц эзда Николаева депутатсь.

Перерывда меле Союзонь Советсь единогласна кемокстазе разделонь коряс, а сядя меле марнек 1940 кизонди СССР-ть Государственной Бюджетонц 183 миллиард 954 миллион 633 тьожань цалковайнъ суммаса дохоттненъ коряс и 179 миллиард 913 миллион 376 тьожань цалковайнъ суммаса расходтненъ коряс. Союзонь Советсь тьяфта жа кемокстазе Союзонь Бюджетть и примазе 1940 кизонди СССР-ть Государственной Бюджетонц колга Законть.

Законтть примаманц депутаттне и инжихне васьфтезь вию ламос моли аплодисментса.

НАЦИОНАЛЬНОСТЕНЬ СОВЕТСА

Апрель 3-це шистонза илять йотась Национальностень Советъ Сессиянц нилеце заседанияц.

Председательствующайсь—Национальностень Советъ Председателец Шверник депутатсь макссь вал Бельгаев депутатти. Одобривадам 1940 кизонди СССР-нь Государственной Бюджетонц проектть, ся изменениятненъ мархта, конатненъ предложил бюджетнай комиссиясь, сон корхтась Бурят-Монгольский АССР-ть хозяйствань, культурань сембе областтненъ эса оцю сатфксненъ колга.

СССР-нь Тяжелай Машиностроениянь Народнай Комиссарть Малышев депутатть выступления меле прениятне лоткафт.

Заключительнай валса выступил СССР-нь Финансонь Народнай Комиссарсь Зверев ялгась и Национальностень Советъ Бюджетнай Комиссиянц эзда содокладчиксь Хохлов депутатсь.

Тяда меле Национальностень Советсь йотни 1940 кизонди СССР-нь Государственной Бюджетть кемокстаманц колга кизефксти. Национальностень Советсь единогласна кемокснесы башка разделга, а тоса марнек 1940 кизонди СССР-нь Государственной Бюджетть доходс коря 183 миллиард 954 миллион 633 тьожань цалковайнъ суммаса и расходс коря—179 миллиард 913 миллион 376 тьожань цалковайнъ суммаса. Тьяфта жа кемокснеси Союзонь Бюджетсь. Тяда меле Сессиясь примоси 1940 кизонди СССР-ть Государственной Бюджетонц колга Закон.

Депутаттне и инжихне Законть примаманц приветствовандазъ бурнай, ламос моли аплодисментса.

Тяда меле аделакшневи Национальностень Советъ Сессиянц нилеце заседанияц.

Верховнай Советъ VI-це Сессиянц честьс

Зубово-Полянский средний школань ученикненъ йоткса Верховнай Советъ VI-це Сессиянц честьс йотафт обороннай значокненди массовой нормань максомат. ГСО-нь II-це ступенень значокти максозь норматненъ 75 ученик, конатненъ эзда 30 ламось допризывникт.

Организовандаф опытной звена

Оцю Мокша Пашад велень „Валда ян“ колхозсь организовандазъ опытной звена. Звенати кемокстафт колхозть инъ лучшей колхозниконза, стахановецонза.

Тянийнъ пингть звенась аноклазъ лама минеральной удобрения, кулуфт и нармонень помет. Кол-

хозсь макссь тейнза участка, конанц лангса сембе работать тийсазъ звенанъ четтне.

Штоба сатомс оцю урожай 1940 кизоня, звенась сувась социалистический соревнованияс.

Мезенцев.

Пурдошанский район.

ВКП(б)-нь ЦК-ть очередной пленумонц колга

Нят шитненъ ульсь ВКП(б)-нь ЦК-ть очередной пленумонц.

Пленумсь кулхондозе Правительствать внешний политиканц колга и Финляндияса войнаты итогонзон колга сообщенияц и одобрил синь.

Пленумсь примась специальнай решенияц: а) сельскохозяйственной продуктань анокламань и рамамань политикаса изменениятненъ колга, б) экономсоветть работанц одукс тиemanц колга.

Пленумсь постановил тердемс Всесоюзной партийнай конференцияц тья кизонь июнь ковста.

Тонафнесазъ Сессиять материалонзон

Кодак эвондась печатсьса Молотов ялгать докладонц, конанц сон тиезе СССР-нь Верховнай Советъ VI-це Сессиясонза, Саранск ошень хлебокомбинатонь коммунистне и комсомолецне келиста кармасть сонъ тонафнемонза. Апрель 1-це шистонза докладть коряс ульсь йотафтф занятия коммунистненъ и комсомолецненъ йоткса, а сядя меле ульсь йотафтф тьяконъ жа коряс беседат комбинатть сембе сменанзон-бригаданзон эзда.

Комбинатста рабочайнъ и интеллигенциянь коллективсь оцю мялса кулхонкшнесазъ тьяфтам беседатненъ и шнакшнесазъ минъ Правительстваньконъ внешний политиканц.

Сессиять материалонзон тонафнемаса агитаторкс комсомольский организациясь кемокстась эсь инъ цебарь членонзон, кода Егоров и иля ялгатненъ.

Комсомолецне-агитаторхне сессиять материалонзон коряс йотафтстни комбинатть бригаданзон эзда 4 беседат.

Нят материалхненъ и особенно Молотов ялгать докладонц сядя крхкста шарьхкодмасон инкса апрель 14-це шистонза первичнай комсомольский организациясь йотафты политденъ.

М. Сайгин.

49 очка 50 возможнайста

Аф кунара, Саранск ошень Государственной педагогический институтса йотафтсь внутришкольной обороннай соревнованият.

Стрелковой соревнованиятненъ пингста факультеттненъ эзда занязе васенце вастть исторический факультетсь, а студенттненъ эзда физмат факультетонь студенткась Марисулова ялгась. Сон 50 возможнай очкатненъ эзда повфтась 49 очка.

Марисулова ялгась институтса лувондови отличникокс и цебарь общественникакс.

А. М.

Саранск ош.

В. Маяковский

МЕЗЯМА СЯ СТАМСЬ ЦЕБЯРСЬ
И МЕЗЯМА СТАМСЬ КАЛЬДЯВСЬ

Цёранясь
сась алянц тейс,
кизефтезе алянц:
— Аляй, азка
цебярь мезсь,
мезяма стамсь
кальдявсь?—
Моньцон
ёфси аш секретт,—
тинь идянят, кулесть,
алась тя вов
макссь ответ,
книгаста тинць лувость.
— Кда вармась
штафни вельхкст,
цярахманць
пьяк порай,—
тя ульцява
кажнайт мяльс
якамс пьяк аф пара.
Пиземсь путердсь,
меки маштсь,
летькть шинясь
суфтсь—дебяртсь,
валдонц мастортъ
келес срафтсь,
сембонди
тя цебярь.
Кда
цёрась
равжа веда,
шамац ёзаф
лебоньца,—
содаф
тяфтамсь
шнамс аш кода,
шабать кастай
кеднйанца.
Кда
цёракшсь
кельги сапонть,
кельгсы
пейнь штаманц,
тяфтамть кельгсазъ,
кода маконь,
Тейнек сон пьяк шнама.
Дрянъ тюръганясь
тюри флангс,
иднянь пикссемс
тевоцка,
аяш мялезе
монь стамть
тяштемс
книжкас лемоцка!
Тон тят пикссекшне,—
ивадсь,—
конат ёлмат корязт!
Тя вов пьяк иднясь
тись лац,
цебярь,
ёню цёрась!
Кда сязендить
тон мячь,

сязендить
и книжкать,
октябренокне
пшкядсть,—
цёракшсь тя
зарник пьяк.
Кда цёракшсь
труд канды,
морафни сон квиваня,
сонь колганза
сёрмадыхть:
цебярь пьяк
идянясь.
Варсить эзда
ласькозь тусь,
аварьгодсь,
пельсь сасы.
Тя цёранясь,
эх, и трус,
кивок сонъ
аф шнасы.
Тя вов хотъ
пьяк ёлманя,
кяжи
намонть
лангс эци.
Цебярь,
эрек цёранясь,
эряфса сон кондясти.
Эцесь лебонти
куракстсь,
шамац пацькавсь,
рахай.
Тяфтамть колга
корхтайхть фкакс:
сон вдь пьяк
неряха.
Вов урядайхть
теплайнъ,
синць галошат
штакшнихть,
синь хотъ
и пьяк ёлманя,
сембе синь
пьяк шнакшнихть.
Мяляфтость най,
цёракшт, тянь,
тясть юксне
тя ёфскясть,
афоль каса
ездонт тинь
карьготъф
тува лефкска.
Цёранясь ивадсь:
— кулян!
Тяни сон
пьяк кенярдсь,
— ёфси кальдяв
аф улян,
улемс аныцек
цебярькс!
Мокшекс ётафтозе
Г. ПЬЯНЗИН.

Саттама эрь
гектарста 100
пуд сьора

Сире Каньгуш велень „Путь к социализму“ колхозонь колхозник не эсь собранияст обсуждан дазь Ромодановский райононь „Красный коломенец“ колхозонь колхозникнень обращенияснон, кося тердезь Мордовиянь сембе колхозникнень, МТС-нь, совхозонь рабочайхнень и работницатнень, штоба тяддень кизоня сатомс 100 пуд сьора эрь гектарста.

„Красный коломенец“ колхозть колхозниконзон обращенияснонды „Путь к социализму“ колхозть колхозниконза макссь цебярь ответ. Синь сембе, кода фкя, сувасть социалистический соревнованияс и сывасть эсь лангозст обязательства, штоба маластонь пингть машфтомс сембе аф сатыкснень колхозть тундань видемати анокламосонза, и срока инголе и цебярь качества аделамс видема кампаниять.

Черапкин.
Ельниковский район.



1920 кизонь апрель 5-це шистонза японце фатязь пленц и плхтажъ паровознай т лкаса дальневосточнай партизантень вождьснон Сергей Лазо большевикъ. СНИМКАСА: Сергей Лазось. (ТАСС-ть фото-клишец)

Школьный
эряфсьПримернай ученица
-общественница

Атюрьева велень средний школань 9-це классонь ученицась-комсомолкас Селиванова Женясь тонафнемаса и поведенияс ялганзонды ащи кепотъксокс. Сон эсь лангсонза упорнайста и настойчивайста работамать вельде тонафнема кизотъ 3 четвертензон аделазень цебярь и отличный оценкаса.

Селиванова Женясь отличнайста тонафнемада башка, кода класснай организатор и учкомонь член, максси оцю лезкс тонафнемаса отстающей ученикненьди, тюри дисциплинаць цебярьгофтоманинка, класса возглавляет социалистический соревнованиять и вяти массово-разъяснительнай оцю работа.

Женясь ялганзонды макссь вал, што сон тонафнема кизотъ аделасы аныцек цебярь и отличнай оценкаса.

А. Попов.

Сборхне йотнихть
интереснайста

Ковылкина. 43-це № железнодорожной школы сембоц пионерский отрядта 12. Тейст пионервожатайкс кемокстафт лучшей комсомолецт-старшекласникт.

Пионерский организацияс воспитательнай работась ладяф цебярьста. Эрь отряда пьяк аккуратнайста йотафневихть сборхт, конатнень эса выборхнень, Октябрьский революциять, доблестнай Якстерь Армияньконь и лия актуальной тематнень колга вожатайсь тиенди беседат, кода меле ушеткшнихть оживленной выступленият.

Сборть официальный пьялкс-стонза меле пионерхнень вийснон мархта путневихть аф оцю спектакльхть, а спектакльда меле выступают декламаторхне, солистне, танцорхне, физкультурникне и лият.

Сборхне эряйхть аф кувакат. Синь йотнихть пьяк интереснайста и весяласта. Отряднай сборда башка сембе звенатнень эса йотафневихть звеньевой сборхт. Нят сборхнень эса пионерхненьди тиендихть Сталин ялгать эряфонц и деятельностенц и пограничникнень колга беседат, пионерхнень успеваемостьснон и дисциплинаснон, социалистический соревнованиять и очередной сборти анокламати колга путневихть кизефкт. Звеньевой сборхне тяфта жа йотнихть пьяк живойста и весяласта.

Пионерхнень эзда пуроптф физкультурнай кружок и агитгруппа, конат сидеста выступают сборхнень и школьной вечерхнень эса.

Пионерский организациясь работаса пьяк оцю лезкс получахши школьной комсомольский организациять эзда.

М. Водякова.

Ответ. редакторъ заместителец
И. ЧУДАКИН.

Дм. Родин.

Рузаевкань район.

БРИГАДИРТЬ УМЕЛАЙ РУКОВОДСТВАНЦ ВЕЛЬДЕ

Левжа велень „1-це май“ колхозть 2-це полеводческий бригадасонза бригадиркс 3-це кизось работай колхозть инь энергичнай, инь опытной и инициативнай производственница Учватова Мария Сергеевнась.

Мария Сергеевнась работанть тя важнейшей участкь эса нинге работанть васень шитнень пингстакиге эсь прянь няфтезе подлиннай патриоткас, колхознай производствань славнай руководителькс. Сонь эстакиге сембе вийнза и эрь шинь тюремац направленнойхтельхть колхознай строить могуществанц сядат тов кемокстаманцы, колхозть большевистскийкс, а колхозникнень зажиточнайкс тиемаснонды.

Учватова ялгать бригадаць эрь кизоня производственной программанц пашкодемаса лия бригадатненьди няфнесь и тянингеньяфни работанть замечательнай образецт. Сонь умелай руководстванц и упорнай работаць вельде 2-це бригадась арась ударнайкс, сон сембе бригадатнень йоткста лувондови инь цебярькс.

Тя кизоня тундань видема кампанияти анокламаса 2-це бригадась сатсь пьяк оцю успехт. Сембе плукне, сеялкатне, ивзаматне, ашкне ремонтировавдафт ни 100 процентс, конат тяфта жа сембе номеровандафт и кемокстафт эрь башка рабочайть мельге.

Тяса кажнай колхозниксь кунаракиге ни содасы тундань видемати пивгста кодама участкас сон кармай работама. Вов, кепотъксонди, Заводов Михаилсь (звеновод) и Гаршин Петрьс кемокстафт сеяльщикокс, Валгутов Григорийсь, Погодин Филиппсь и Учватов Алексейсь кармайхть работама плугарькс, Заводов Николайсь и Черентаев Григорийсь—бороновальщикокс, а Гавычева Аграфенась, Черентаева Евдокиясь и Лоскутов Григорийсь—семе новозокс. Нят ялгатне тейст порученнай работанть техникать содасазь образцовайста.

Учватова ялгать бригадаць пьяк оцю вийса тюри сталинский 8 миллиартт пуд сьоронь сывомать инкса. Сон эсь участканзон лангс ускфтьс 300-ка усф назем,

кочкась 8 лама центнерхт наромонень помет, 10 центнерхт кулу и аноклась 50 центнер минеральной удобрения.

Штоба тя кизонянга образцовайста пашкодемс производственной планть, 2-це бригадань колхозникне, кода фкя сувасть социалистический соревнованияс и кемокстасть содоговор тяка жа колхозонь 1-це бригадаты мархта.

Тяни Машать бригадаць тундань видемати анок 100 процентс, кода хозяйственный ширде, а тяфта жа рабочайхнень ширдевок.

Учватова ялгась, кода райсоветонь депутат, производственной работада башка, велеса вяти общественно-политический и агит-массовой оцю работа. Сон массать эзда мзярдонга аф аерткшни. Машась колхозникнень и избирательхнень высокой доверияснон оправдандакшнесы колхознай и общественной тева честнайста и энергичнайста работаць.